



16 januaari 2023

Inatsisartut suleriaasianni § 37 imm. 1 naapertorlugu Naalackersuisunut apeqqtut imaattoq matumuuna saqqummiuppara:

Naalackersuisunut apeqqtutit:

1. Naalackersuisut isumaqarpat Tasiilap eqqaani piniarnermik nakkutilliineq Nuuminngaanniit ingerlanneqartoq torrallataasoq?
2. Naalackersuisut piniarnermut angallammik nakkutilliisussamik pilersaaruteqarpat?
3. Tasiilap eqqaani nakkutilliisussamik pilersitsisoqassagaluarpat Naalackersuisunit qanoq akeqassangatinneqarpa?
4. Naalackersuisut nakkutilliisussamik Tasiilap eqqaani pilersaaruteqanngikkunik sunik tungavilersuuteqarpat?

(Inatsisartunut ilaasortaq Mala Høy Kúko, Siumut)

Tungavilersuut:

Siuliani nakkutilliisumik apeqquteqarninni akineqarnikuuvunga nuummiit nakkutilliineq ingerlanneqarsimasoq qaammat maji 2021-mi¹.

Ukioq 2022 upernaakkut qilalukkat qaqortat kuummiut kangerluanni pulapput amerlasoorpassuullutik. Taamanilu pisat tamakkiisumik arsaarinnissutaanikuupput. Juulliliivissorlu aamma qilalugarpasuit aamma kangerlummut pulaqqipput amerlasuupilussuullutik. Qujanartumillu akuerineqarlutik pisaqarfigineqarput. Siunissaq ungasinnerusoq eqqarsaatigalugu pitsaasumik suleqatigiittoqassappat piniartuni kiisalu Naalackersuisuni nakkutilliisoqarneq aqqutissat ilagilluinnarpasippaat.

Apeqquteqaatikka ullunut suliffiusut qulit iluanni akineqarnissaat kissaatigaara.

¹ https://ina.gl/documents/para3637/2021/svar/134_2021_fartoej_kontrol_fangst_MHKUK_akissut.pdf